

Klub SDP BiH
Zastupnica Jelena Pekić
Zastupnica Belma Kapo

Sarajevo, 27.02.2024. godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Zavod zdravstvenog osiguranja Kantona Sarajevo;
Prema Upravni odbor Zavoda zdravstvenog osiguranja Kantona Sarajevo.

Za izdvajanje sredstava potrebnih za edukaciju zdravstvenog osoblja JU Opća bolnica „Prim. dr. Abdulah Nakaš“ u cilju pružanja usluge bezbolnog poroda.

OBRAZLOŽENJE:

Na osnovu odgovora na zastupničko pitanje veza akt br. 10-04-8156/20/23 od 11.05.2023. godine, upućujemo Vam inicijativu da se iz sredstava ZZO izdvoji iznos od 50.000,00 KM za JU Opća bolnica „Prim. dr. Abdulah Nakaš“ za edukaciju timova opće bolnice za pružanje usluge bezbolnog poroda za svaku ženu.

Prema deklaraciji Svjetske Zdravstvene organizacije (WHO) iz 2001. godine svaka žena ima pravo na bezbolan porod, kao i na odbijanje sedacije ako želi aktivno sudjelovati u vođenju i dovršetku svoga poroda.

Prema dostupnim informacija u razvijenim zemljama (poput SAD-a) procenat analgezije prilikom poroda je 66-82%, a u nerazvijenim zemljama (afričke zemlje) oko 2%. Nažalost, procenat analgezije u našoj zemlji je ispod prosjeka afričkih zemalja. Razlozi su brojni: nedovoljna zainteresovanost menadžmenta za provođenje datih procedura, nedostatak edukativnih programa za osoblje (anesteziolog, babica, ginekolog), nedostatak opreme, te nedovoljna informisanost pacijentica za data zakonska prava.


Ne postoje okolnosti u kojima se smatra prihvatljivim da osoba doživi neliječenu, snažnu bol, podložnu sigurnoj intervenciji, dok se nalazi pod liječničkom skrbi. Način na koji postupamo sa našim majkama, suprugama, kćerkama za vrijeme poroda je u direktnoj korelaciji sa socijalnim i ekonomskim blagostanjem jedne zajednice, odnosno društva.


Na osnovu odgovora koji dostavljamo u prilogu inicijative vidljivo je da je opća bolnica spremna da uvede datu uslugu bezbolnog poroda, a da bi joj za isto bila potrebna edukacija timova u iznosu od 50.000,00 KM. Kao što je navedeno u odgovoru, timove bi činili anesteziolog, anestetičar, babica i ginekolog, te se iskreno nadamo da ćete pozitivno odgovoriti na našu zastupničku inicijativu da se osiguraju data sredstva za edukaciju.

Cilj nam je da bezbolan porod bude dostupan svakoj ženi, i da bolnica u svoj protokol uvede pisanu proceduru za navedenu uslugu.

Molim vas da odgovor na inicijativu dostavite pismeno u elektronskoj formi na službeni mail jelena.pekic@skupstina.ks.gov.ba i belma.kapo@skupstina.ks.gov.ba.

S poštovanjem,


Jelena Pečić
Zastupnica u Skupštini Kantona Sarajevo


Belma Kapo
Zastupnica u Skupštini Kantona Sarajevo

Prilog:

1. Poslaničko zastupničko pitanje od 29.03.2023. godine
2. Odgovor Ministarstva zdravstva Kantona Sarajevo br. 10-04-8156/20/23 od 11.05.2023. godine (koji u svom prilogu sadrži odgovor iz JU Opća bolnica „Prim. dr. Abdulah Nakaš“)

Klub SDP BiH
Zastupnica Jelena Pekić
Zastupnica Belma Kapo

Sarajevo, 29.03.2023. godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 214. Poslovnika Skupštine Kantona Sarajevo, postavljam:

ZASTUPNIČKO PITANJE

Za:
Ministarstvu zdravstva Kantona Sarajevo

Poštovani,


Budući da je u svijetu kao i u zemljama regiona uobičajna procedura da žene prilikom ginekoloških intervencija i poroda dobijaju analgeziju, molim da odgovorite na slijedeća pitanja:

- Da li postoje aktuelni programi unutar Ministarstva ali i javnih ustanova koji promovišu osnovna prava žena da dobiju analgeziju tokom ginekoloških intervencija kao što su kiretaža, pobačaj, aspiracija, porod, epiziotomija ili šivanje međice nakon poroda?
-
- Da li ustanove čiji je osnivač Kantona Sarajevo nude usluge analgezije za ginekološke procedure i za porod, te navesti koje su to tačno usluge i da li su dostupne 24h?
- Koliko se navedenih ginekoloških procedura (kiretaža, pobačaj, aspiracija, porod, epiziotomija ili šivanje međice nakon porod) obavi godišnje bez anestezije, a koliko sa anestezijom (ne uključujući lokalnu anesteziju)?
- Da li je ženama uvijek ponuđena mogućnost anestezije i da li imaju neki pisani trag da im je ta mogućnost data?


Odgovor tražim pismeno.

Molim vas da odgovor na pitanje dostavite i u elektronskoj formi na službeni mail jelena.pekic@skupstina.ks.gov.ba

S poštovanjem,



Jelena Pekić
Zastupnica u Skupštini Kantona Sarajevo
Belma Kapo
Zastupnica u Skupštini Kantona





Broj: 10-04-8156-20/23

Sarajevo, 22.05.2023. godina

SKUPŠTINA KANTONA SARAJEVO
-Skupštinska služba-

PREDMET : Odgovor na zastupničko pitanje – dostavlja se

Zastupnice **Jelena Pekić i Belma Kapo** na Šestoj radnoj sjednici Skupštine Kantona Sarajevo, održanoj dana 29.03.2023.godine, u okviru tačke Dnevnog reda "Poslanička/zastupnička pitanja, inicijative i odgovori" a u skladu sa članom 211.i 214. Poslovnika Skupštine Kantona Sarajevo postavile su zastupničko pitanje koje se odnosi na dobijanje analgezije prilikom ginekoloških intervencija i poroda, obzirom da je u svijetu i zemljama regiona to praksa.

U vezi sa postavljenim zastupničkim pitanjem dostavljamo slijedeći:

ODGOVOR

Ministarstvo zdravstva Kantona Sarajevo je predmetno zastupničko pitanje dostavilo Kliničkom centru Univerziteta u Sarajevu i JU Opća Bolnica "Prim. dr Abdulah Nakaš", dana 7.04.2023.godine, te zatražilo odgovor na postavljeno zastupničko pitanje.

Ovom ministarstvu je JU Opća bolnica "Prim. dr Abdulah Nakaš" dostavila odgovor (akt broj 01-4644-1/23 od 11.05.2023.godine) koji dostavljamo u prilogu akta.

Nakon što i druga ustanova dostavi svoj odgovor isti će biti blagovremeno dostavljen od strane ovog ministarstva.

S poštovanjem,

MINISTAR

Prof.dr Haris Vranić



Dostaviti:

- naslovu

- a/a

Anna HC.

2567



Javna ustanova Opća bolnica "Prim. dr. Abdulah Nakaš"
Kranjčevićeva 12, 71000 Sarajevo, Bosna i Hercegovina

Broj: 01-4644-1/23

Datum: 11.05.2023.g.g

Federacija Bosne i Hercegovine
KANTON SARAJEVO

POSILJEN	12-05-2023
Organizaciona jedinica	09
Broj	8156
Broj priloga	123

MINISTARSTVO ZDRAVSTVA KS

n/r Prof.dr. Haris Vranić

Reisa Dž. Čauševića 1

71 000 Sarajevo

PREDMET: Odgovor na zastupničko pitanje- veza Vaš akt broj 10-04-8156/20/23

Poštovani,

U vezi sa aktom koji ste nam dostavili, a kojim tražite odgovor i dostavu informacija po upućenom zastupničkom pitanju zastupnica Jelene Pekić i Belme Kapo pri Klubu SDP BiH, koje je postavljeno na radnoj sjednici Skupštine Kantona Sarajevo održanoj 29.03.2023. godine, dajemo sljedeće informacije:

- U našoj ustanovi, unazad dvije godine, sve ginekološke intervencije se rade u kratkoj intavenskoj anesteziji. Kadrovsko popunjavanje Odjeljenja za anesteziju i reanimaciju omogućilo je dostupnost anestezioloških usluga za sve bolne dijagnostičke i terapijske ginekološke i postpartalne procedure. Za sve procedure sačinjeni su protokoli za pripremu pacijenata, a osigurana je sva potrebna anesteziološka oprema i sredstva na odjeljenu za ginekologiju i akušerstvo koja omogućava sigurno izvođenje anestezioloških procedura kad god je potrebno.
- Usluge anestezije za sve ginekološke i postparatalne intervencije dostupne su 24 sata. U domenu akušerske anestezije primjenjuje se tzv. metoda SINGLE SHOT anestezije gdje se anestetik uvodi u kičmeni kanal jednokratnim ubodom i omogućava znatno olakšanje i obezboljavanje samog poroda. Periduralna anestezija, koja je „zlatni standard“, za vođenje bezbolnog poroda takođe je dostupna, uz napomenu da je za potpuno uvođenje ove metode potrebna edukacija dodatnih timova (anesteziolog, anestetičar, babica i ginekolog). Za ginekološke intervencije –kiretaže, abrazije, pobačaje, biopsije, eksploracije, revizije grlića maternice, lizu posteljice, postpartalna šivanja mekih tkiva primjenjuje se intravenozna anestezija.
- U toku 2022.godine ukupan broj intervencija (kiretaža, pobačaja, bipsija, šivanja..) je bio 168, u intravenskoj anesteziji je urađeno 165 pacijentica. Do ovog perida u 2023. ukupan broj intervencija bio je 75, u anesteziji je završeno 74.
- Prilikom ginekološkog pregleda i zakazivanje termina intervencije (ako se radi o planiranim intervencijama) ženama se daje pisano uputstvo za preoperativnu pripremu sa zaokruženim nalazima koje trebaju imati. Potom pacijentice odlaze u anesteziološku ambulantu gdje anesteziolog pregleda nalaze, procjenjuje anesteziološki rizik, objasni

pacijentici način na koji će biti uspavana, a zatim pacijentica potpisuje pristanak za anesteziju.

Hitne operacije se rade po principima kao i druge hitne intervencije, nakon što anesteziolog napravi uvid u postojeće zdravstveno stanje pacijentice i raspoložive nalaze.

Napominjemo da je u našoj Bolnici već održana edukacija o apliciranju periduralne anestezije za bezbolne porode, a naredno gostovanje tima iz Amerike očekuje se prve sedmice juna.

S obzirom da se radi o proceduri koja zahtijeva učešće multidisciplinarnog tima, dobro poznavanje svih aspekata anestezije koje podrazumijeva odgovarajući monitoring, praćenje vitalnih parametara pacijentice i poznavanje mogućih komplikacija kao i njihovog tretmana, potrebna je kompletna edukacija timova (anesteziolog, anestetičar, babica, ginekolog), koji bi bili kontinuirano dostupni pacijenticama naše bolnice i u svakom momentu dana i noći pružili pacijenticama sigurnu i kvalitetnu uslugu.

Za potrebe odlaska naših timova u neki od centara u regionu gdje se ova vrsta anestezije radi rutinski, potrebno nam je oko 50.000 KM. Takođe nam je potrebno 50.000KM za finansiranje timova koji bi došli u našu Bolnicu i pokazali nam način kako da najsigurnije i najefikasnije organiziramo pružanje ove vrste usluge u našim okolnostima, a koja sredstva nemamo obezbjeđena.

Za sve dalje upite, stojimo na raspolaganju.

S poštovanjem,



DIREKTOR

Mehmed Gavrankapetanović

Dostaviti:

- naslovu
- Pomoćnik direktora za medicinske poslove
- Odjeljenje za pravne, kadrovske i opće poslove

